

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA ZAJEDNIČKE POSLOVE  
Broj: 10-04-4746/21  
Lukavac, 17.12.2021. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 10-04-4746/21 od 16.12.2021. godine u konkurentnom postupku javne nabavke za tehničku zaštitu ljudi i imovine općine Lukavac-LOT2, Pomoćnik općinskog načelnika za Službu za zajedničke poslove d o n o s i

**ODLUKU**  
**o izboru najpovoljnijeg ponuđača za**  
**tehničku zaštitu ljudi i imovine općine Lukavac-LOT2**

**Član 1.**

Prihvata se preporuka Komisije za provođenje postupka javne nabavke broj: 10-04-4746/21 od 16.12.2021. godine, te se Ugovor za nabavku usluga za tehničku zaštitu ljudi i imovine općine Lukavac dodjeljuje ponuđaču **AGENCIJA SECURITAS d.o.o Sarajevo**, koji je dostavio ponudu broj: 4944/21 od 06.12.2021. godine, za ponuđenu cijenu u vrijednosti od 4.058,49 KM bez PDV-a i rokom plaćanja 30 (trideset) dana od dana prijema računa, kao najpovoljnijem ponuđaču.

**Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 10-02-4730/21 od 18.11.2021. godine. Javna nabavka sprovedena je postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 6.000,00 KM.

Obavještenje o nabavci broj: 719-7-2-126-3-177/21 objavljeno je na Portalu javnih nabavki dana 19.11.2021. godine.

Komisija za provođenje postupka nabavke imenovana Rješenjem broj: 02-04-75-92/21 od 26.11.2021. godine dostavila je Zapisnik o pregledu i ocjeni ponuda broj: 10-04-4746/21 od 16.12.2021. godine, Preporuku o izboru najpovoljnijeg ponuđača broj: 10-04-4746/21 od 16.12.2021. godine i Izvještaj o radu broj: 10-04-4746/21 od 16.12.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 4 (četiri) blagovremene ponude, a da neblagovremenih ponuda nije bilo;
- da su ponude ponuđača: BH SIGURNOST d.o.o Tuzla i AGENCIJA SECURITAS d.o.o Sarajevo kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način,
- da se ponuda ponuđača Agencija za zaštitu ljudi i imovine SWORD SECURITY d.o.o Sarajevo odbacuje na osnovu tačke 18. stav 2. tenderske dokumentacije i člana 68. stav 4. tačka i) Zakona o javnim nabavkama iz razloga što navedeni ponuđač u Prilogu 3. (obrazac za cijenu ponude) pod Tabeli 2. pod „II Videonadzorni sistem (Glavna zgrada Općine Lukavac na Trgu Slobode broj 1 i zgrada arhive u ulici Žrtava rata bb u Lukavcu) redni broj 7. Ostali sitni materijal nije popunio cijenu za navedenu stavku i
- da se ponuda ponuđača SOKO BH d.o.o Tuzla odbacuje na osnovu tačke 18. stav 2. tenderske dokumentacije i člana 68. stav 4. tačka i) Zakona o javnim nabavkama iz razloga što navedeni ponuđač u Prilogu 3. (obrazac za cijenu ponude) pod Tabeli 2. pod „II Videonadzorni sistem (Glavna zgrada Općine Lukavac na Trgu Slobode broj 1 i zgrada arhive u ulici Žrtava rata bb u Lukavcu) redni broj 7. Ostali sitni materijal nije popunio cijenu za navedenu stavku.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 6.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %
- b) Rok plaćanja ..... 2 %

Ponuđač „AGENCIJA SECURITAS d.o.o Sarajevo dostavio je prihvatljivu ponudu sa cijenom u iznosu od 4.058,49 KM bez PDV-a i rokom plaćanja 30 dana od dana prijema fakture, te je primjenom kriterija ekonomski najpovoljnije ponude isti osvojio 99,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. Agencija za zaštitu ljudi i imovine SWORD SECURITY d.o.o Sarajevo,
2. BH SIGURNOST d.o.o. Tuzla,
3. SOKO BH d.o.o Tuzla,
4. AGENCIJA SECURITAS d.o.o Sarajevo i
5. Arhiva.-

